





第四三〇冊

四庫全書

●上海古籍出版社

本冊目次

潘司空奏疏	兩河經略	兩垣奏議	周忠愍奏疏	張襄壯奏疏	靳文襄奏疏	華野疏稿
-------	------	------	-------	-------	-------	------

明潘季馴撰……………一	明潘季馴撰……………一八九	明遼中立撰……………二四九	明周起元撰……………二五九	清張勇撰……………三〇三	清靳輔撰……………四五	清郭琇撰……………七二九
-------------	---------------	---------------	---------------	--------------	-------------	--------------

欽定四庫全書

史部
潘司空奏疏卷一

詳校官國子監司業臣納麟寶

編修臣張福慶勅

總校官檢討臣何思鈞

校對官主事臣雷純

張錄監生臣胡澄

欽定四庫全書

史部六

潘司空奏疏

詔令奏議類二奏議之屬

提要

臣等謹案潘司空奏疏七卷明潘季馴撰季馴字時良烏程人嘉靖庚戌進士官至總督河道工部尚書兼右都御史事迹具明史本傳此集凡巡按廣東奏疏一卷督撫江西奏議四卷兵部奏疏二卷季馴巡按廣東在嘉

欽定四庫全書

潘司空奏疏

靖三十八年奏疏後有其子大復附記稱原稿幾三寸許散佚不存僅從披垣覓之故所錄止此其督撫江西在萬曆四年奏疏之前有季遷萬恭二序其為南京尚書則在萬曆九年舊本列在兵部之後編次誤也季馴雖以治河顯而所治皆有治蹟集中如查議弓兵工食及損益南京兵政諸疏皆足補明會典所未備又查解兵衛存留糧餉濟邊諸奏

亦深切當時弊政足與史志相參考云乾隆

四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

潘司空奏疏

二

欽定四庫全書

潘司空奏疏卷一

明 潘季馴 撰

巡按廣東奏疏

慎選民牧疏

題爲懇乞天恩俯念遠方慎選民牧以弭盜安民事臣
本以庸懦之資叨司風紀之任欽承重命出按雄藩日
夕憂惶勉圖稱使何入境之初即值寇警潮陽海豐惠

欽定四庫全書

潘司空奏疏

來等處倭寇充斥南雄和平程鄉等處山賊縱橫閭閻
哀苦之聲州縣烽火之報無日無聞臣目擊其變食不
下咽寢不安枕雖嘗督行司道衛府州縣等官嚴加勦
捕而將不足恃兵不可用徒爾支吾終難寧謐臣嘗聞
之民窮而後盜起弭盜必先安民安民之道無他惟在
擇賢守令而已臣敢為皇上陳之昔渤海歲饑盜賊並
起漢宣帝拜龔遂為守遂曰海濱遐遠不需聖化具民
困於饑寒而吏不惜故弄兵潢池耳遂單車至府開倉

廉假貧民選用良吏應安牧養盜賊悉平又昔交趾刺史多無清行吏民怨叛選賈琮為刺史訊其反狀咸言賊斂太重百姓空單京師遙遠告冤無所故聚為盜賊琮即移書告示招撫荒散歸復徭役百姓以安夫今之廣東即如昔之渤海交趾也今廣東之盜未必如渤海交趾之盜也而致盜之由未必不起於海濱遐遠民困於賦斂而無所控訴也倘今之守令者果有龔實之徒出而撫之未必不投干毀戈安土樂業如渤海交趾之

矣欲走京稱冤而費以百計富者難之而況於貧乎此官之易以肆民之日以威相率而趨於盜也臣聞之先臣丘濬曰遠方之民易動者非民之情習然也治之者不得其人也蓋遠方州縣得一良令如得勝兵三千人得一良守令如得勝兵三萬人方其相安無事之時一方數千里之地得二三十軍之賢守長則足以安之矣不幸而民窮起而為盜為亂非得數十萬人馬錢糧未易平之也嗚呼明用數十萬於有事之時人之所知而潛省數十萬於無事之中人特未之知耳此民牧之所以為重而擇賢牧於遠方尤為重也然州守縣令之選大率皆筮仕之人銓司者未經試用豈能遂知其賢不肖乎臣竊謂我國家官人之法雖曰三途並用而特重進士之科是以歷朝建功立業者進士十居八九蓋士子既蒙進士之選莫不有砥礪上進之心縱有識趣卑污不自愛惜者亦十之一二也舉貢之人每以資格自限而況歷試多年方行就選精力為之減損意氣為之

折磨報國之心經營家之念重矣其豪邁之才堅貞之操難保盡無殆亦十之一二也我皇上試以今歲考察觀之甲科之與舉貢多寡相去果大相懸絕否乎況蠶茲下民貴耳賤目一聞舉貢便生輕易之心苟遇甲科即起驚憚之意而為之甲科者少知愛民頌聲遂作誠所謂事半而功倍者也昔唐玄宗詔新除縣令試理人策而以韋濟詞理第一者為醴泉令意者其在斯乎然司銓者豈不欲盡以甲科之人分布天下州縣特以應

欽定四庫全書

鴻司空奏疏
卷一

選之人甲科恒少舉貢恒多而州縣者又舉貢之正選也廣東向稱樂土雖以庸才處之苟不至於極敝大壞亦可支吾但今之廣東非昔日之廣東則今日之治廣東者亦不當以昔日所治之人治之耳伏望皇上俯念遠方之民久罹盜賊之慘勅下該部備查廣東見在州縣員缺摘將緊要處所如廣州府之東莞連州南雄府之始興惠州府之和平潮州府之揭陽惠來等處俱將新中甲科除授勒限赴任其清遠海豐程鄉四會等縣

欽定四庫全書

鴻司空奏疏
卷一

嘉靖三十八年八月二十六日奉旨吏部知道

添設縣治疏

題為添設縣治移置所司保障地方弭盜安民事據廣東布政司經歷司呈為議及時勘處積叛地方以絕後患以圖久安事奉本司劉付准本司等衙門掌印左布政使等官魏良貴等咨開各准本司咨開准分守嶺西道右參政吳桂芳咨據肇慶府通判呂天恩呈稱遵到本府四會縣督同知縣張文光拘集通縣里排鄉老歐

陽應奎等審據衆稱勦平諸巢萬山聯絡地方曠遠應立縣治等情隨帶地師親詣經勦地方拘集熟知地利人後徧歷諸巢看得各處山勢險峻溪流湍急止有地名潭園地宇平衍山水環抱民居稠聚為四方道路適中之所詢之輿情皆稱堪立縣治其地南去四會縣一百三十里係遠僻地方今立縣治居中控制內可以據險要防遏夷酋外可以復膏腴撫綏良善將附近太平柑欖大園三都地方分割太平一圖九圖十圖柑欖一

欽定四庫全書

卷一百一十五

六

圖三圖四圖五圖十圖十二圖十四圖大園三圖共一百一圖查據黃冊通計大小人戶一千一百有奇官米二千四百九十九石八斗三升四合八勺民米二千一百三十九石一斗六升四合八勺後有清山賊田開荒餘地或數畝無徵或陞科增稅俱附入新縣其潭園遠近等處田地雖坐落太平柑欖大園三都地方亦有先年賣出別園戶內相應清查撥正蓋田地既在此方稅糧合歸新縣撥正所以增戶口便糧差清查所以息爭

訟防影射庶事體歸一其清遠懷集二縣都圖查係別省別府地方不必分割恐道傍築舍徒費周章潭園既立縣治若前後左右無藩籬之固恐懸孤城於萬山似櫻螳臂於虎口難保將來寧謐如今日也又看得地名龍口水在潭園之北五十五里內扼三塘徑下等處最為要害應立屯田千戶所移四會後千戶所在彼守禦及查得肇慶衛前所中所原有屯田細糧五百餘石在彼合將屯軍二百名盡撥前去依屯耕守免其差調龍

欽定四庫全書

卷一百一十五

七

口一軍專令居中策應保障地方以護耕種具有空餘田地聽從鄉民開耕入彼居住以助兵威此一舉而軍民兩便也及照潭園之東八十里有地名雙車園界連清遠切照葵梅諸洞合移金溪巡檢司建立在彼掣青草大徑大坑三營之兵共二百六十六名協同守把及有南緞一營在龍口水東五里雙車園西五十里乃盜賊出入之衝照舊存留在彼掣黃沙古窰二營兵共二百九十一名湊入戍守使西應龍口東援雙車聲勢既

張雖南綏有急亦有所恃而自固矣龍口之西三十里地名扶落口乃白茫鷺叫扶黎顧水諸巢之咽喉合移扶溪巡檢司建於彼處保其巖阻以繫人心居業又有地名鷺鷥坪在扶落口西三十里接近蓮花礮心螺殼山及廣西懷集等處惡峒地方險遠屏蔽空疎若欲扶溪安枕先於此處設立一營招回附近原被逼出慣戰鄉兵二百名在彼墾田居住月給行糧四斗五升以資耕守候田畝成熟住支行糧即將黃桐峽徑鶴水三營欽定四庫全書

清司空奏疏

及丈勘開墾賊遺田地查處遺累糧米等項事宜俱候請立縣建官之日次第舉行改州建縣重務再加審處等因畫圖貼說呈詳到道該本道會同帶管分巡僉事殷從儉議照四會地方綿亘三百餘里考之前代唐宋間設有一州四縣其後併為四會一邑以致山多地曠聲教不行遂為各賊據盤敢稱抄掠鄉村荼毒為患有年今當大兵平勦之餘正屬經營更始之際所據增立縣治控制要衝以杜遺孽潛滋陰據之謀以貽生靈久欽定四庫全書

清司空奏疏

九

安長治之利揆之理勢誠不可已今該原任通判呂天恩督同該縣正官親歷蕩平巢穴沿鄉相度欲於地名潭園人烟稠密風氣攸鍾之所建立縣治將附近太平柑攬大園三都內分割共湊一十一圖大小人戶一千一百有奇官民米共四千六百三十八石九斗九升五合五勺屬其統轄後有清出賊田開荒餘地俱附入併管所應縣治孤懸賊易窺伺迤北則於龍口水地方掣四會千戶所官軍并肇慶衛中前二所屯軍且耕且守

以示控扼復掣金溪巡司并青草大徑大坑三營之兵於雙車園以衛其東移扶溪巡司於扶落口設鄉兵營於鷺鷥坪以捍其西藩籬鞏固經度周詳職等反覆參酌似在可行但該府初議四會陞州以相犄角按今事勢甚定可不必更為之圖矣及照前項縣治設在巖險之中地僻事簡所有官屬合照依裁減衙門事例縣設知縣典史學設教諭訓導各一員仍隸肇慶府統轄更典亦照裁減設置庶官無冗濫之嫌民免供億之累等

欽定四庫全書

潘司空奏疏

十

因備咨到司案查先奉提督兩廣軍務兼巡撫兵部右侍郎兼都察院右僉都御史談愷會同鎮守兩廣地方總兵官征蠻將軍太子太保靖遠伯王瑾批據肇慶府申前事准本府知府盧璘開稱四會地方萬山聯絡諸徭盤據近年連結出沒劫掠占奪官民田地擄掠子女財帛幸遇撫按憫念生靈奏奉欽依徵兵選將按畧授奇不決旬之間而首從賊徒馮天恩等相繼授首停斬數千各賊敗亡之餘雖尚結巢拒守而勢孤食盡行當

不戰而自斃矣自古莫敢誰何之寇一旦殄滅此誠千古之快希世之功也時士狃近利大人懷遠猷故久安長治之計今日士民於撫按不能無厚望焉蓋竭澤而漁澤盈則魚復生焚林而狩林茂則獸仍往前賊所據土地寬饒形勢險惡固盜賊之林澤也若不及時處置竊恐數年之後復如昔日之患查得郡誌四會縣前代為南綏州今在柑欖都石澗村領縣四一化蒙縣在今太平都東鄉村一新招縣在柑欖都新招村一化注縣

欽定四庫全書

潘司空奏疏

十一

在今柑欖都綠水村一化穆縣在今大圓都康谷村厥後併為四會縣國朝因之為里九十二緣山多地廣政令不及遂為徭據里數漸促今僅存四十二里以此觀之為今之計必增立縣治方為久安之策合無乘此兵威振揚之際諸賊殄滅之期定委識明才練官員帶領曉知地利及合用員役親詣巢穴逐一踏勘某處地土平行適中定為縣治某處險惡咽喉擬為巡司中間料理事宜夷險隘通道路治城池營衙門募流亡實廩落

欽定四庫全書

滿洲書院

三

分都圖設里甲定民居析田畝設營寨議戍守立墟市通商賈建儒學育人材東則割清遠縣西則割懷集縣各一十里湊成一縣使四面開達各縣聲勢相連迨勘處已周規式俱定然後奏請立縣治設官即以四會縣陞為四會州以統之仍隸本府則殘強當變為良民各賊莫為之淵藪久安長治之道或在是矣等因奉批仰布按二司會同守巡道議報并蒙巡按廣東監察御史徐仲楫批據肇慶府經歷司呈同前因蒙批布政司會

欽定四庫全書

滿洲書院

三

吳桂芳帶管分巡僉事殷從儉議照四會縣太平柑攬等郡地方僻在萬山之中盤亘不下百里東北則直抵連陽郴桂迤西則密邇開建懷集實崖盜出沒之衝二省犬牙之地具間山箐險隘徑路崎嶇土田膏腴林木暢茂據而守之足以杜奸宄之潛滋棄而不守未免為逃遁之淵藪况前此本為州縣之舊區縣全則民賴之為保障縣廢則賊據之以陸梁今當大兵振蕩之餘正屬與民更始之會若不及時城其險要扼其咽喉猶恐數年之後遺孽復滋將來之患不可勝言所據建立新縣以控要害移置屯軍以便戍守遠改巡司以固藩屏清查稅糧以正經界裁減官吏以省浮費一應應行事宜既經委官勘處停妥又經該道會議相同俱應准議施行但府原議以四會縣改陞為州統轄新縣一節事出更張似難准議合無候題請允日備行該道將添設縣治移軍屯守遠改巡司清查稅糧裁減官吏等項事宜一一取次舉行庶幾險為易化盜為良遐邇蒙安靜

之休生靈免荼毒之苦此誠萬世無疆之利也備劄呈
詳等因到臣查得先據肇慶府經歷司呈為議及時勦
處積叛地方以絕後患以圖久安事并據該府通判呂
天恩呈同前事俱該前巡按監察御史徐仲楫批行布
政司會議詳報去後今據前因臣會同提督兩廣軍務
兼理巡撫兵部右侍郎兼都察院右僉都御史王鈞鎮
守兩廣地方總兵官征蠻將軍豐潤伯曹松議照大盜
雖經征勦後患猶當預防臣等查得四會縣所轄太平
欽定四庫全書

油司全奉疏

十四

動兩廣之兵又糜數萬之費圖之已無及矣臣等竊以
為開設縣治於潭園移置千戶所於龍口水以控制羣
巢於勢為便移金溪巡司於雙車園扶溪巡司於扶落
口存留南綏營添設鸞鸞坪營掣併青草黃桐等營兵
壯併勢防守亦於事勢有不容已蓋潭園者當諸巢之
咽喉雙車園扶落口南綏營鸞鸞坪者俱潭園之屏障勢
必相須其巡司營堡事體已有成規不過遷移之勞所
費無幾且詢之父老眾口一詞莫不舉手願望惟恐或
欽定四庫全書

油司全奉疏

五

阻究其所以皆緣地方之民積苦盜賊設縣控禦之議
民間私議已久人心冀望甚渴皆以為必須如此而後
百年之盜可散數邑之民可安蓋以縣治既設則官民
相近法令自無阻撓所司移守則藩籬慎固奸宄不敢
窺伺是誠弭盜安民久安長治之策也伏望皇上垂念
一方荼毒之苦俯從百姓永遠之圖乞勅該部查議如
果於事體無碍地方有益准將四會縣分析太平柑欖
大園三都共計一十一圖地方於附近地方潭園增設

一縣定擬縣名官員量行裁減與儒學職官印信乞賜銓選鑄給仍乞將守禦四會後千戶所官軍併肇慶衛中前二所屯軍移置龍口水依屯耕守立為屯田千戶所免其差調鑄換印信及移掣金溪扶溪二巡司俱改屬新縣其築砌城垣起蓋衙門等項候命下之日容臣等督令該道守巡官逐一處置漸次舉行事完通將支用過錢糧數目造冊奏繳如此庶二省殘孽有控制之所一方生靈免劫奪之虞豺狼之窟變為樂郊而陸梁

欽定四庫全書

滿司空奏疏

六

辛

嘉靖三十八年八月二十六日奉旨該部知道

貪酷有司纏訟未結疏

題為貪酷有司纏訟未結乞恩俯念沿海地方久遭兵火先行銓替賢能官員以弭盜安民事據廣東按察司經歷司呈奉本司帖文蒙臣牌行提弔犯人蔡明復等一千人卷究問具招解審仍查本官緣事日久未結該

縣倭患緊迫應否先行作缺速議詳報依蒙查得先奉提督兩廣軍務兼理巡撫兵部右侍郎兼都察院右僉都御史王鈞批據潮州府潮陽縣儒學生員蕭與衡狀令義男蕭德抱訴為非法坑儒與兵焚劫乞救無辜事潮陽縣申為豪惡生員侵占城池馮道聚眾毆傷公差事潮州府申為城池事俱奉批仰本司併究解依奉行據該府呈稱先蒙分巡嶺東道信牌行府提得知縣蔡明復犯人陳逢舉等連卷解道審發廣州府同知曹司

欽定四庫全書

滿司空奏疏

七

賢問理呈報前來催據本官呈稱前項事情蒙委會同潮州府通判翁夢鯉究問緣蔡明復給假未回除呈稱前項事情蒙委會同潮州府通判翁鯤分巡道請發會問完日另報本司看得蔡明復贓跡敗露穢聲彰聞既經行提即應收問豈有放回省假之理明是各官推奸縱容理法何在凡鞫問干証即同獄成公事稽程責有攸歸名節所繫不可不慎若再遲延當從重叅究又行催勘未報今蒙行司完議復行同知曹司賢查報隨據

回稱參照知縣蔡明復贓私數以累萬告訐人連百家據其情詞各有指實淫刑以逞不惟孤人子寡人妻而且至有一戶連尸一代絕嗣者極欲以饗不惟破人產蕩人家而且至十室九空十村半竄者積害盈庭流毒徧邑酷聲昭著機迹彰聞詞出庫里怨結士民聞事固已寒心讀詞不覺流涕似應不待聽問之畢而即當追奪者也緣以該縣時值兵戈一切干審俱歸保守且人命等項重情與違法事等項眾犯俱干律例重典必候欽定四庫全書

潘司空奏疏

十九

問結作缺銓補委果延久廢事合無准照所議將蔡明復知縣職名先行作缺本院具題銓補本司一面催齊人卷委官會問明白具招解審等因備帖呈詳到官臣查得先據潮州府潮陽縣儒學生員蕭興衡狀令蕭德抱訴為職官縱兵劫財燒屋焚屍害命事開款告訐知縣蔡明復贓私事情已批分巡嶺東道究招解奪續據該縣中為流賊打劫擄掠男婦耕牛事又為豪惡生員侵占城池馮道聚眾毆傷公差事及為城池事并據本縣生員蕭興叙民人蕭德陳訓趙正林瑞時范河鄭姚將等各狀告稱蔡明復貪酷情由俱經執行該道併究及節次督催俱未問報隨該臣看得該道向因地方多寇兵務方殷未及究理詞訟況查原屯揭陽倭寇與海賊許老合夥移營突至該縣隆井都屯住劫殺離縣止隔一江該縣向無正官經理事務責成隨即改行廣東按察司究問仍查蔡明復緣事日久該縣倭患緊迫應否先行作缺題請銓補速議詳報去後今據前因臣為

潘司空奏疏

十九

照潮陽縣治西北萬山盤據東南大海濱臨實為水陸
寇盜充斥之所自去年十月內倭夷突登海口至今尚

未解散近又據潮州府申稱該縣山賊興發屠戮人民
焚蕩廬舍民不聊生至此極矣備禦撫綏要非賢守令
不可今自去年四月內蔡明復緣事被題該府屬正值
缺官向令縣丞范楠署理雖亦勉強支吾終難倚恃該
縣之民望賢令而安輯之真如赤子之望慈母及查蔡
明復被訐事情俱係賊私人命細加採訪實跡頗多原
情據法似無復任之理況千連証犯百餘俱因被寇四
散一時難以拘齊若候結正之日方行銓補不無久缺
正官地方深為可慮伏乞勅下該部查議合無先於甲
科中擇有才望者銓補給憑嚴限前來供職或於鄰省
地方擇賢能素著者調補其蔡明復所犯事情容臣查
照原案究問歸結如此則地方不致乏人而庶官知所
警畏矣緣係貪酷有司云云事理臣未敢擅便謹題請

旨

欽定四庫全書

卷一百一十五

五

嘉靖三十九年六月十二日奉旨該部知道
地方緊急疏

題為飛報地方緊急事嘉靖三十九年三月十一日據
惠州府呈前事據考試生員王大化等稟稱二月初五
日有海豐縣縣丞朱傑帶領兵壯八十餘人前到碣石
衛拏賊奸黨知覺流言本官要徧索城中各心疑畏於
初七日早忽有三百餘徒呐喊哨聚將本官帶去阜壯
盡行捆縛今尚團聚陳公祠不知何為等因又據碣石

欽定四庫全書

卷一百一十五

五

衛呈為邊軍缺糧激變事內稱本月初七日有海豐縣
縣丞朱傑到衛督催查盤文冊追徵屯糧擅受詞狀多
差民壯打手拘拏勒取紙價逼舉為盜又因久缺月糧
致使衆軍出郭聚集教場等情各報前來臣即督行該
道守巡併該府衛掌印等官作速區處解散無致延久
釀成大患仍查朱傑招尤啓釁事由與為首倡禍人犯
拏究去後隨據廣東布政司分守嶺東左叅政馮臯謨
揭帖稟稱訪得該衛旗軍妻累缺糧五年彼因縣丞朱

傑先署縣印之事據福建張元榮具告衛軍范子言等
窩盜事情止獲范子言到縣監候節次行衛捕拏餘黨
未獲後本官奉府差委往衛督催查盤文冊時有刑房
吏王志尹稟稱前賊歷業難拏朱傑就便多帶兵壯押
帶范子言到衛作眼認拏得賴汝善王仕榮李阿價劉
信峯金志興宋禮成李雙溪戴真李璋等不期范子言
又稱係積年拖欠屯糧刁頭仍慮查盤問罪却就倡同
一般欠糧首惡數十人遂以五年缺糧為詞乘機鼓衆

欽定四庫全書

清司空奏疏

三

激變已將范子言連倡首姓名訪實姑俟各軍解散另
行拿究等因又行據該府查訪得縣丞朱傑帶領民壯
前到該衛追捕賊犯指揮張廷佐不與公館安歇本官
拘得賊犯范鑾供出同徒范元質等被各知覺率領驍
勇舍餘二百餘人圍衛開旗吶喊將本官併吏書門卑
民壯共六十餘人綑縛痛打一場送在監內就到教場
寫起激變旗一面宰牛一頭祭旗推立范元質為首分
作四哨將城門鎖閉等因各到臣看得碣石之軍素稱

驕悍兼以欠缺月糧向懷忿怨縣丞朱傑輕舉躁動假
公營私縱使緝捕強盜亦當申奉明文多方設法却乃
妄作威福挾帶多人沿門騷動希圖索詐以致奸徒倡
禍羣黨鼓噪相從指揮張廷佐係該衛署印之官使其
平時持正有以壓服衆心臨事執詞有以禁抑奸黨則
亦未便至此乃幸災樂禍坐視旁觀即其不與朱傑公
館安歇其欲挫辱之意可想見矣所據各官情罪俱難
輕貸通候查明之日另行叅究外為照碣石係海濱衛

欽定四庫全書

清司空奏疏

三

分海賊停泊之區所視以為外援者良不淺也今少不
如意即便豎旗稱變綑縛職官此其漸不可長也易曰
履霜堅冰至似此形狀殆不止履霜而已若於此竟從
姑息則廣東衛所如碣石者亦多矣寧保其不聞風效
尤乎況今山寇屯劉海豐地方相離頗近各軍持久不
散自度事不可解必內連山寇外引海賊流害地方此
又不可不慮也伏望皇上勅下該部轉行督撫總兵官
等從長計議作速解散仍將首禍脅從之人分別處治